

大毘婆沙論

才一百八

三百八十二  
沛八

50540



十城州天女寺法金剛院置

機輪亦常轉

有翠昌

重修

Large stylized Chinese characters, possibly a seal or title, rendered in a bold, blocky font. The characters are partially obscured by a large grey watermark.

15



阿毗達磨大毗婆沙論卷第一百八

師

五百大阿羅漢等造

三藏法師

奘奉

詔譯

智蘊第三中修智納息第四之四

諸結法智斷彼結滅法智作證耶乃至廣說  
問何故作此論答為止他宗顯正理故謂或  
有執無間道斷諸結得解脫道證彼滅得如  
外國諸論師為遮彼意顯無間道能斷諸結  
得亦證彼滅得若無間道惟斷結得解脫道  
方能證彼滅得者便違此說諸結法智斷彼  
結滅法智作證等若以滅道法智究竟離非  
想非非想處染者彼以法智為無間道類智  
為解脫道如何可說諸結法智斷彼結滅即



法智作證耶是故應知無間道能斷諸結得  
亦證彼滅得理不可違由此因緣故作斯論  
諸結法智斷彼結滅法智作證耶答諸結法  
智斷彼結滅法智作證謂隨法智爲無間道  
斷亦所結此無間道即能證彼亦所滅故有  
結滅法智作證彼結非法智斷謂或忍斷或  
餘智斷彼結滅法智作證如預流者以世俗  
道斷欲界一品乃至五品結已復以法智爲  
無間道斷第六品得一來果亦時無間道法  
智證先忍所斷三界見所斷結滅及證先世  
俗智所斷欲界前五品修所斷結滅一來者  
以世俗道斷欲界第七第八品結已復以法



智爲無間道斷第九品得不還果今時無間  
道法智證先忍所斷三界見所斷結滅及證  
先世俗智所斷欲界前八品修所斷結滅不  
還者以世俗道或類智離初靜慮乃至無所  
有處染以類智斷非想非非想處八品結已  
復以法智爲無間道斷第九品得無學果今  
時無間道法智證先忍所斷三界見所斷結  
滅及證先世俗智所斷欲界修所斷結滅類  
智世俗智所斷七地修所斷結滅類智所斷  
非想非非想處前八品修所斷結滅如是諸  
結滅法智作證彼結非法智斷諸結類智斷  
彼結滅類智作證耶荅諸結類智斷彼結滅

類智作證謂隨類智爲無間道斷尔所結此  
無間道即能證彼尔所滅故有結滅類智作  
證彼結非類智斷謂或忍斷或餘智斷彼結  
滅類智作證如諸聖者以法智或世俗道離  
欲界乃至無所有處深以法智斷非想非非  
想處八品結已復以類智斷第九品得無學  
果尔時無間道類智證先忍所斷三界見所  
斷結滅及證先法智世俗智所斷八地修所  
斷結滅法智所斷非想非非想處前八品修  
所斷結滅如是諸結滅類智作證彼結非類  
智斷諸結苦智斷彼結滅苦智作證耶荅諸  
結苦智斷彼結滅苦智作證謂隨苦智爲無



間道斷介所結此無間道即能證彼介所滅  
故有結滅苦智作證彼結非苦智斷謂或忍  
斷或餘智斷彼結滅苦智作證如預流者以  
世俗道或集滅道智斷欲界一品乃至五品  
結已復以苦智爲無間道斷第六品介時無  
間道苦智證先忍所斷三界見所斷結滅及  
證先世俗集滅道智所斷欲界前五品修所  
斷結滅一來者以世俗道及集滅道智斷欲  
界第七第八品結已復以苦智爲無間道斷  
第九品得不還果介時無間道苦智證先忍  
所斷三界見所斷結滅及證先世俗集滅道  
智所斷欲界前八品修所斷結滅不還者以

世俗道或集滅道智離初靜慮乃至無所有  
處染以集滅道智斷非非想處八品結  
已復以苦智爲無間道斷第九品得無學果  
亦時無間道苦智證先忍所斷三界見所斷  
結滅及證先世俗集滅道智所斷八地修所  
斷結滅集滅道智所斷非非想處前八  
品修所斷結滅如是諸結滅苦智作證彼結  
非苦智斷如說苦智說集滅道智應知亦亦  
問前門此門有何差別答諸有欲今無間道  
斷諸結得解脫道證彼滅得者彼說前門顯  
無間道作用此門顯解脫道作用諸有欲今  
無間道能斷諸結得亦證彼滅得者彼說前



門顯無間道能斷諸結得及證彼滅得此門  
惟顯無間道證諸結滅得如斷結得證彼滅  
得捨過失修功德捨無義得有義捨下劣得  
勝妙離愛染苦證寂靜樂應知亦復次前  
門顯斷有爲此門顯證無爲復次前門顯頓  
斷此門顯數斷復次前門顯斷時即斷此門  
顯先斷後證是謂前門此門差別  
眼根乃至無色界修所斷無明隨眠於十智  
中幾智知耶乃至廣說問何故作此論答爲  
止他宗顯正理故謂或有執有諸覺慧無所  
緣境如取幻事健達縛城鏡像水月影光鹿  
愛旋火輪等種種覺慧皆無實境爲遮彼執

顯諸覺慧皆實有境或復有執有能知智不知所知有所知境非智所知爲遮彼執顯無能知智不知所知及無所知境非智所知由此因緣故作斯論若問攝應依十八界審思而答若問識應依十二處審思而答若問隨眠應依五部審思而答若問智應依四聖諦審思而答如是諸法易可顯示易可施設此中間智故應依四聖諦審思而答然一切法略有五種謂四諦所攝及所不攝此中三界苦集及道諦所攝法各有二種謂相應及不相應滅諦所攝法及諦所不攝法各惟一種謂不相應欲界苦集諦所攝相應法七智知



除類滅道智不相應法六智知除類他心滅  
道智色界苦集諦所攝相應法七智知除法  
滅道智不相應法六智知除法他心滅道智  
無色界苦集諦所攝相應不相應法俱六智  
知除法他心滅道智滅諦所攝法六智知除  
他心苦集道智道諦所攝相應法七智知除  
苦集滅智不相應法六智知除他心苦集滅  
智諦所不攝法一智知謂世俗智是謂此處  
略毗婆沙此中眼根七智知等准前所說應  
知其相問何故名智答能知所知故名爲智  
問何故名所知答是智所知故名所知尊者  
妙音作如是說能量故名智所量故名所知

能稱所稱能度所度應知亦尔脇尊者言能  
知故名智若法是智所行所緣所取境事說  
名所知智與所知相對建立故無有智不知  
所知亦無所知非智所知無智無所知無所  
知無智

如說無常想若習若修若多所作能除一切  
欲貪色貪無色貪掉舉我慢無明乃至廣說  
問何故作此論答爲廣分別契經義故謂契  
經說無常想若習若修若多所作廣說如前  
契經雖有是說而不分別其義經是此論所  
依根本彼未說者今應說之故作斯論問世  
尊何故說此契經答有諸有情心多懈怠不



勤精進捨諸善軛為勸策彼故說此經復次  
為勸學者捨後有愛故說此經謂世尊說彌  
勒當來成佛時事有諸學者作是念言願我  
當見彼成佛事乃般涅槃故佛告言汝等今  
者有諸資具少時適意故愛後有若乏資緣  
為苦所逼便於諸有都不愛樂今時應修此  
無常想永盡諸漏而般涅槃是故不應貪愛  
後有故為學者說此契經

然無常想若習若修若多所作能除一切欲  
貪者此想應言法智相應謂苦法智此想應  
言有尋有伺謂未至定尋伺俱生此想應言  
捨根相應謂未至定捨根俱生此想應言與

無願俱謂苦無願相應此想應言緣欲界繫  
謂緣欲界五蘊能除一切色貪者此想應言  
類智相應謂苦類智此想應言或有尋有伺  
謂未至定及初靜慮尋伺俱生或無尋惟伺  
謂靜慮中間惟伺俱生或無尋無伺謂在後  
三靜慮此想應言或樂根相應謂在第三靜  
慮或喜根相應謂在初二靜慮或捨根相應  
謂在未至定靜慮中間第四靜慮此想應言  
與無願俱謂苦無願相應此想應言緣色界  
繫謂緣色界五蘊能除一切無色貪者此想  
應言類智相應謂苦類智或有尋有伺或無  
尋惟伺或無尋無伺樂喜捨根相應與無願



俱緣無色界繫如前能除色貪想說有差別者此想或無尋無伺謂在後三靜慮及前三無色或捨根相應謂在未至定靜慮中間第四靜慮及前三無色緣無色界繫謂緣無色界四蘊能除一切掉舉我慢無明者此相應言法類智相應謂苦法類智此相應義或有尋有伺或無尋惟伺或無尋無伺樂喜捨根相應與無願俱皆如前能除無色貪想說此想應言或緣欲界繫謂緣欲界五蘊或緣色界繫謂緣色界五蘊或緣無色界繫謂緣無色界四蘊

問一切聖道皆能斷結何故惟說無常想耶

答此中想聲顯諸聖道謂佛或時以受聲想  
聲思聲意聲燈聲信精進念定慧聲船筏聲  
山石聲水聲華聲慈悲喜捨聲顯諸聖道廣  
說如前此中亦尔故不應難問無常想惟能  
對治二部煩惱謂見苦及修所斷何故此中  
說能除一切三界貪等答此中但應說能除  
三界貪等不應說一切而說一切者一切有  
二種謂少分一切及一切一切此中但說少  
分一切謂見苦及修所斷一切非餘復次佛  
爲聖者說此契經彼已永斷見所斷結勸彼  
修習此無常想令斷一切三界修所斷結故  
無有過問無常想能對治七隨眠何故此中



惟說能斷貪慢無明答由此三種通三界遍  
五部是故偏說五見及疑雖通三界而不遍  
五部瞋雖遍五部而不通三界故不說之復  
次由此三種通三界異生聖者俱可現行是  
故偏說五見及疑雖通三界而諸聖者必不  
現行瞋雖異生聖者俱可現行而不通三界  
是故不說問何故貪分三界差別而掉舉等  
不然答彼亦應分三界差別而不分者應知  
有餘復次欲現異說異文莊嚴於義今受持  
者生欣樂故復次欲現二門二略乃至廣說  
復次貪愛是重難斷難破多諸過患是故偏  
分復次以貪愛故諸界諸地諸部差別是故

偏分問修無常想能除七慢何故此說惟除  
我慢答此中且說近對治故謂無常想是我  
慢近對治如契經說若諸苾芻修無常想者  
能引無我想若住無常無我想者能斷我慢  
速盡諸漏問何故一切隨煩惱中惟說掉舉  
答隨煩惱中過患增者惟有掉舉謂通三界  
是纏性攝昏沉雖具如是二義而在上界順  
等至故過患不增是故此中偏說掉舉  
如說七處善三義觀能於此法毗捺耶中速  
盡諸漏云何為七謂如實知色集色滅趣色  
滅行色味色患色出如實知受想行識七亦  
亦此智當言法智乃至道智耶乃至廣說問



何故作此論答爲廣分別契經義故謂契經說苾芻當知有七處善及三義觀廣說如前契經雖乍是說而不分別其義經是此論所依根本彼未說者今應說之故作斯論問世尊何故說此契經答有諸學者已入見道住修道中爲修所斷煩惱所惱世尊欲令修彼對治告言汝等已得聖道何不依之斷餘煩惱如勇健人爲怨所惱他人告曰汝旣勇健寧不害怨而爲彼惱復次有諸學者已得初果於後勝果不作加行設作加行不如實知世尊欲令起勝加行告言汝等若能不捨先得預流諸加行者不久必獲究竟漏盡佛爲

彼故說此契經

如實知色是四智謂法類世俗苦智者此中  
法智知欲界色果類智知色界色果世俗智  
知一切色果苦智知有漏色果非常苦空非  
我此雖有四而立一善皆同觀察一色果故  
如實知色集是四智謂法類世俗智者此  
中法智知欲界色因類智知色界色因世俗  
智知一切色因集智知有漏色因集生緣此  
雖有四而立一善皆同觀察一色因故如實  
知色滅是四智謂法類世俗滅智者此中法  
智知欲界色滅類智知色界色滅世俗智知  
一切色滅滅智知有漏色滅靜妙離此雖有



四而立一善皆同觀察一色滅故如實知趣  
色滅行是四智謂法類世俗道智者此中法  
智知欲色界對治道類智知色界色對治道  
世俗智知一切色對治道道智知有漏色對  
治道如行出此雖有四而立一善皆同觀察  
一色道故如實知色味是四智謂法類世俗  
集智者此中四智皆知色味如前應知此雖  
有四而立一善皆同觀察一色集故如實知  
色患是四智謂法類世俗苦智者此中四智  
皆知色患如前應知此雖有四而立一善皆  
同觀察一色苦故如實知色出是四智謂法  
類世俗滅智者此中四智皆知色出如前應

知此雖有四而立一善皆同觀察一色滅故  
如實知受想行識七亦尔者如觀色說問若  
尔應說三十五處善或無量處善何故說七  
答觀一一蘊各各有七不過七數故說有七  
如餘經說諸預流者極七返有彼若別說二  
趣二有應二十八謂人趣有七天趣有七人  
中有有七天中有有七然不過七故說七名  
又如餘經說有二法謂眼色乃至意法又如  
餘經說三轉法輪有十二行相彼不過二及  
十二故說二十二此亦是脇尊者言此經  
應說如實知色乃至識如實知色集乃至識  
集如實知色滅乃至識滅如實知趣色滅行



乃至趣識滅行如實知色味乃至識味如實  
知色患乃至識患如實知色出乃至識出若  
作是說惟有七處善非三十五或無量種復  
次若略說有七處善若廣說有三十五或無  
量種契經略說故惟有七如略廣揔別不分  
別分別頓說漸說應知亦尔復次為利根者  
說七處善為鈍根者說三十五或無量種如  
利根鈍根因力緣力內分力外分力內思惟  
力外聞法力開智說智應知亦尔復次依近  
觀察說七處善依遠觀察說三十五或無量  
種如近遠隣逼非隣逼現前非現前此衆同  
分餘衆同分應知亦尔復次依無漏觀說七

處善依有漏觀說三十五或無量種如有漏  
無漏世出世縛解繫不繫應知亦尔復次依  
現觀時說七處善依觀察時說三十五或無  
量種復次依揔相觀故說七處善依別相觀  
故說三十五或無量種如揔相別相觀自相  
共相觀自相共相覺自相共相作意應知亦爾  
問此中爲說自相作意爲說共相作意耶設  
尔何失若說自相作意者此中所說當云何  
通如說七處善三義觀能於此法毗捺耶中  
速盡諸漏非自相作意可能盡漏若說共相  
作意者此中所說復云何通如說如實知色  
乃至如實知識荅應作是說此中正說自相



作意問若尔云何能速盡漏答此自相作意  
能引共相作意彼共相作意能速盡漏依展  
轉因故作是說復有說者此中正說共相作  
意問若尔云何此契經說如實知色乃至如  
實知識耶答此契經中應作是說如實知蘊  
蘊集蘊滅趣蘊滅行蘊味蘊患蘊出而別說  
者應知說時異現觀時異如佛爲四天王先  
以聖語說四聖諦二解二不解等如前已說  
故知說時異現觀時異謂說時別說現觀時  
揔現觀故

問七處善三義觀有何差別答名即差別謂  
名七處善名三義觀故有作是說七處善是

無漏三義觀是有漏問若余此說當云何通  
如實知色是四智謂法類世俗苦智等答此  
世俗智雖亦容有而不現行復次此七處善  
是聖行相說為無漏實通有漏對三義觀非  
聖行相惟是有漏故名無漏問為能以七處  
善入三義觀耶答不能以七處善是無漏行  
相三義觀是有漏行相故復有說者七處善  
通有漏無漏三義觀惟有漏問為能以七處  
善入三義觀耶答能然多用功力多起作意  
多作加行謂如實知色乃至識如實知色患  
乃至識患而入蘊觀如實知色集乃至識集  
如實知色味乃至識味而入處觀如實知色



減乃至識滅如實知色出乃至識出而入界  
觀雖能如是以七處善入三義觀而多用功  
力多起作意多作加行

問三義觀在前七處善在後世尊何故先說  
七處善後說三義觀耶答雖三義觀在前七  
處善在後而先說七處善後說三義觀者於  
說於文皆隨順故復次如是次第說者受者  
皆隨順故復次若作是說於文於義皆圓滿  
故若先說三義觀後說七處善者則於義雖  
圓滿而於文不圓滿尊者妙音作如是說應  
前說者則前說之應後說者則後說之二俱  
無過以三義觀位別有二一在見道前二在

修道前見道前者此中不說修道前者此中  
說之如見道修道見地修地未知當知根已  
知根應知亦尔脇尊者言此中說四地謂修  
行地見地修地無學地如說七處善三義觀  
者說修行地如實知色色集色滅趣色滅行  
乃至識亦尔者說見地如實知色味色患色  
出乃至識亦尔者說修地速盡諸漏者說無  
學地問何故見道中說四處善修道中但說  
三處善耶荅以見道處所決定對治決定非  
修道故復次以見道所緣決定對治決定非  
修道故復次以見道初得見諦初得現觀修  
道已得見諦已得現觀故復次以見道初得



聖種性初得聖行相修道已得聖種性已得  
聖行相故

問何故於此七處善中再說前三諦一說道  
諦耶答此中道諦數分別故謂如實知色乃  
至識此如實知皆是道諦如實知色集乃至  
識集色滅乃至識滅趣色滅行乃至趣識滅  
行色味乃至識味色患乃至識患色出乃至  
識出此如實知亦皆是道諦既於道諦數分  
別故不再說之復次有已生苦有未生苦有  
已生苦因有未生苦因有已生苦滅有未生  
苦滅如是諸法惟有道諦能知斷證故說三  
諦則已說道復次有近苦有遠苦有近苦因

有遠苦因有近苦滅有遠苦滅如是諸法惟  
有道諦能知斷證故說三諦則已說道復次  
三諦有邊是故再說道諦無邊故惟一說問  
因論生論何故三諦說有邊而道諦說無邊  
耶答苦可盡知集可盡斷滅可盡證道不可  
盡修故餘義廣說如現觀邊世俗智處復次

前四處善說見道位見道必具觀察四諦故  
具說四後三處善說修道位修道位中所修  
聖道即是道諦未必具觀四聖諦故但說三  
種復次一切賢聖皆厭苦集欣樂涅槃聖道  
不亦是故世尊再說三諦一說道諦問何故  
見道中先說苦諦後說集諦而修道中先說



集諦後說苦諦耶荅見道中依現觀次第修道中依因果次第故作是說復次見道中依見次第修道中依說次第故作是說以見次第先果後因說次第先因後果故復次佛依修道為愛行者說斷愛法作如是言汝等先應觀察諸蘊味觀察味已見味過患見過患已能速出離復次修道位中已於生死有分齊故不多厭苦但為煩惱擾濁心故多厭煩惱諸煩惱中愛數行故多分厭愛故修道中先觀愛味次觀愛患後觀愛出復次愛於現在最能引心馳流諸境愛於未來最能潤有令不斷絕故諸聖者厭愛心增修道位中先

觀愛味次觀愛患後觀愛出問何故世尊人所化者數數觀察所知境界答無始時來迷所知境失於正道沉淪生死受種種苦世尊欲令悟所知境趣於正道超出生死離種種苦故令數觀所知境界此中要者謂七處善及三義觀

問先集後味有何差別答名即差別謂名色等集名色等味故復次集通六識味惟意地復次集通染污不染污味惟染污復次集通三界味惟欲界復次集通業煩惱味惟煩惱復次集通諸煩惱味惟是愛是謂差別問諸蘊集為是一為有異耶設亦何失若是一者



契經所說當云何通如說喜集故有色集觸  
集故有三蘊集名色集故有識集若有異者  
施設論說復云何通如說此愛若過去若未  
來若現在皆是苦因苦根本苦道路苦由緒  
苦能作苦生苦緣苦有苦集及苦等起荅應  
作是說有別緣故諸蘊集是一有別緣故諸  
蘊集有異謂依遠因故諸蘊集是一依近因  
故諸蘊集有異如依遠近在彼在此不現前  
現前餘身衆同分此身衆同分應知亦尔復  
次契經中說三種集異一煩惱集二苦集三  
業集謂喜集故有色集者說煩惱集觸集故  
有三蘊集者說苦集名色集故有識集者說

業集此經中說業名色故如說煩惱苦業集  
煩惱苦業有煩惱苦業生煩惱苦業路應知  
亦尔復次契經中說三時有異一積集時二  
受用時三守護時謂喜集故有色集者說積  
集時觸集故有三蘊集者說受用時名色集  
故有識集者說守護時復次此中別說三時  
有異一將和合時二正和合時三不別離時  
謂喜集故有色集者說將和合時觸集故有  
三蘊集者說正和合時名色集故有識集者  
說不別離時復次此契經中說三有異一中  
有二本有三生有謂喜集故有色集者說中  
有觸集故有三蘊集者說本有名色集故有



識集者說生有復次喜集故有色集者說名  
緣色觸集故有三蘊集者說名緣名名色集  
故有識集者說名色緣名復次以愛悋求未  
來諸有身分自體故世尊說喜集故有色集  
觸能長養心心所法任持牽引令現在前故  
世尊說觸集故有三蘊集識依名色增長廣  
大故世尊說名色集故有識集  
問先苦後患有何差別答名即差別謂名色  
等苦名色等患故復次苦通三受患惟苦受  
復次苦通染汚不染汚患惟染汚復次苦通  
三界患惟欲界復次苦通煩惱業苦患惟煩  
惱復次苦通諸煩惱患惟在愛是謂差別名

識集者說生有復次喜集故有色集者說名  
緣色觸集故有三蘊集者說名緣名名色集  
故有識集者說名色緣名復次以愛悋求未  
來諸有身分自體故世尊說喜集故有色集  
觸能長養心心所法任持牽引令現在前故  
世尊說觸集故有三蘊集識依名色增長廣

大故世尊說名色集故有識集

問先苦後患有何差別答名即差別謂名色  
等苦名色等患故復次苦通三受患惟苦受  
復次苦通染汚不染汚患惟染汚復次苦通  
三界患惟欲界復次苦通煩惱業苦患惟煩  
惱復次苦通諸煩惱患惟在愛是謂差別名



色乃至識滅色乃至識出何差別耶若由  
此愛諸色集起彼斷名色滅若識餘愛緣色  
增廣彼斷名色出乃至廣說問何故此中間  
色等滅而若愛等滅耶若因斷故果隨斷因  
滅故果隨滅因息故果隨息捨因故亦捨果  
吐因故果亦吐若斷道路諸有不續色等永  
滅便至苦邊故問色等滅而若愛等滅問何  
故此中間已生愛等斷名滅未生愛等斷名出  
耶若已生煩惱業已有所作已障聖道已取  
果已與果已為同類遍行異熟因已取等流  
異熟果於自相續已作染污已作繫縛已作  
苦事但可斷滅不可出離故說為滅未生煩

惱業與上相違可出離故說之為出如三苦  
事一者已受二者正受三者當受已正受者  
不可出離當應受者或以自力或以他力或  
財物力而可出離問何故此中三說愛再說  
餘煩惱業耶答以愛難斷難破難可越度多  
諸過患甚可訶責故三說之如諸賊女父與  
餘惡法揔訶厭已復別訶厭復次由愛力故  
界別地別部別一切煩惱因愛而生因愛增  
長故三說之問何故諸處以種種門數數分  
別滅諦非餘答以此滅諦一切法中最勝最  
妙四聖諦中亦最勝妙故多分別問何故此  
中但問答分別滅出差別非集味苦患耶答



亦應說彼二種差別而不說者是有餘說復  
次此中以後顯示於前謂問答分別減出差  
別應知前二亦應說之復次減諦最勝故偏  
分別苦集非勝故不說之

河毗達磨大毗婆沙論卷第百八

沛

軛

二同用音厄  
歷牛領木也

策策

二同上正楚  
責及勉力也

由緒

下音

也序事徧遍用二同

